



DEO OPTIMO MAXIMO
UNI ET TRINO,
VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS,

*manè discutienda in Scholis Medicorum, die Jovis secundâ mensis Januarii,
anno Domini MDCC. LXXVII.*

M^o. JOANNE-RENATO SIGAULT,

Doctore Medico, Præside.

An perfectio digestionis à Laice nerveo?

I.



QUICUMQUE cultro instructus Anatomico, abditissimas machinæ humanæ latebras, scrupulosâ indagine perlustraverit; quicumque diversas fibrarum motricium directiones, modo in telas, modo in retia abeuntium, multiplices musculorum ortus, tendinumque insertiones, ligamentorum apparatus, variosque connexionis ossium modos secum attentè perpenderit; quicumque demùm, in humani corporis fabricâ, columnas, trabes, cuneos, vèctes, trocleas, cribra, folies, & alia sexcenta id generis instrumenta mechanica (a) ubique deprehendi edoctus; is non poterit stupens & mirabundus, quin tot tantarumque rerum naturam veneretur

(a) M. Lieutaud, *Elem. Physiol.* p. 46, 47, &c.

artificem. Undè sapientes quidam, hominem jurè ac merito, miraculum muq̃di conclamitarunt. Quid abstrusam cordis mechanice Evolvam? quid duplicem illius visceris motum; diafolem nimpe, & systolem; impetum quo: cruor per patentès arterias ad ultimos usque corporis recessus devehatur, donec per venas ad cor, præcipuum circulationis instrumentum, absoluto circulo, iterum revolvendus recurrat? quid evolvam alternas pectoris vices? proprio pondere per os & nares in trachealem fistulam irruens aer, vel minimos subit pulmonum mæandros. Sic dilatatur pectus, fit inspiratio. Subsequenti momento idem interior rarefactus aer, premente exteriori atmosphèrâ, cartilaginum, musculorumque redivivis elateribus, thorace constricto, per expirationem foras erumpit.

At at majoris momenti quotidie phænomena exhibet alimentorum digestio. Totius humanæ compagis Regem, nonnulli ventriculum salvavere. Mirum in modum ædulia assumpta agitat, cogit, immutat. Ex alimentis etenim vel crassissimis, diversissima emergunt liquamina, ad exhaustas quasvis partes refarciendas comparata; & attenuatione successivâ in tenuius tandem resolvuntur liquidum, quod decantatissimo *laticis nervi* nomine cognoscitur. Namque, dum per multivagas intestinorum volubilibus spiras protruduntur ingesta, chylum ex iis fugunt vasorum lacteorum oscula. Ex chylo sanguis, & ex illo novus exurgit secretionum ordo. Urina per renes, bilis in hepate, semen in testibus separantur, secernuntur; nervus latex in cerebro. Quod propter substantiæ nobilioris dignitatem, ossa pixide, velut galeâ defensum voluit natura sagax. Quæ inibi peragitur functio, naturâ & loci sublimitate, alias longè supereminet functiones. A cerebro etenim ad remotissimas corporis partes progrediuntur nervi. Ab illis omnis sensus, motusque. Quibus vel abolitis, vel debilitatis, pereunt partes, aut contabescunt. Verum enim verò, per nervorum nexus, omnia in corpore vivo, consentiunt (a), in unamque conspirant. Amicissimo, præ omnibus fœdere, ventriculus, caputque (b) junguntur. Hic ille in nervis hospitans ignifer halitus, liquorum haud malè æthereorum ardentem simul & fugacissimum æmulatur æstus. Illius equidem beneficio, omnia *animalizantur*. Hic est plantarum anima, quam chemistæ spiritum Rectorem nuncupavere. Hic est variorum animantium aura vitalis (1), ille peculiaris odor, quò à se invicem differunt & dissociantur. Anne est illa vis, à perenni cujus influxu genuina absolvitur æduliorum concoctio, quâ in propriam indolem corpoream mutantur? Anne est illa vis, in quâ tota vitæ constantia vertitur?

I L

EFFLUVIIS effeta continuis, funditis rueret humana moles, ni pabulo congruo, novæque materiæ appulsu, perpetuò instauraretur. Hanc opem saluti-

(1) Est igitur calor, ac ventus vitalis in ipso Corpore, qui nobis moribundos deserit Actus.

(a) Hipp. de Alim. n°. 4. P. 595.
(b) Rega. de Sympathia, c. 5. p. 55 & seq.

feram præstare, digestionis scopus. Diverſæ ſortis quibus veſcimur alimenta, integram molecularum ſuarum diſſociationem, immutationemque in ventriculo patiuntur. Ipſius ſitum, duplicemque curvaturam nemo neſcit. Quatuor conſtat membranis. Una tota nervea dicitur. Per patulos ultimos nerveæ cruſtæ ramos, in ventriculi caveam eſſundi ſpiritus animales autumat (a) HALLERUS. Iſtius ſacculi membrancei fibrarum ſeries in oppoſitum decurrit. Undè conſtringitur, dilataturque viciffim. In immenſam molem concreſcere valet. Hunc in belluonibus peramplum videre eſt. Quandoque etiam ad inteſtini tenuioris craſſitiem vix accedit; quod in hominibus ab inædiâ extenuatis, aut vini ſpiritu abutentibus autophiâ demonſtrat.

(a) Prælect.
Acad. tom. 1.
p. 218.

Sic eluceſcit ſapientia animalium conſervatrix! Papillarum nervearum vellicatione, vacuus exſcuſcitur ſtomachus. Tunc per famem, ſitimque, non dubios vitæ cuſtodes, nec non paſſus illecebris alliciuntur, & aliquid expetunt quod fluidis partibus ſicut & ſolidis ſufficiat. Tum dentium ope, commoluntur alimenta, comminuuntur, potu diluuntur: illa penetrat ſaliva, ſolvit, primamque incohat digestionem. œſophageo irrorantur liquore, dum ex ore propelluntur in ventriculum. In ejus cavo recipiuntur, reſervantur. Adeſt humor gaſtricus, uberiori copiâ ſaliens, evolvitur aer, fit calor, & alterna preſſio partium adjacentium, adſunt innumerabiles arteriarum iſtus. In tubum inteſtinalem delapſa, bilis utriuſque, ſucci pancreatici, muci inteſtinalis, oſtiolorum lacteorum &c. &c., actiones ſubeunt. Omnia in motum rapiuntur, affluxu ſpirituum animalium. Quibus, quæcumque de cauſâ abſentibus, nulla preſſio, nullus motus perſtallicus, nullus calor, nulli ſtimuli, queis neceſſarius humorum diverſorum, menſtrui vices generantium, proventus ſollicitetur.

Phænomena digestionis (1) ulterius perſtringere liceat. Torpor artus occupat, obnubilant oculi, gravatur caput, mentis operationes hebeſcunt, fit ſomnus. Totum, eò tempore, ad ventriculum appellit, igniferum & vitale flumen, omninoque digeſtioni famulatur. Si quis autem, ſpretis naturæ legibus, rebus ſeriis poſt paſtum mentem applicet, chartis impalleſcat, corpus ve immodico exerceat labore, is non quietem, reparationemque corpori, ſed turbas conciliat, inaniam concidunt viſcera, marceſcunt. Illam eſſe functionem verè animale, cum à nervis cuncta pendeat, quis rerum gnarus inſicias ibit?

III.

PRÆSTANTISSIMAS ſanè veterum ideas miremur, cum in eorum ſententiam delapſos, nilque novi detexiſſe neotericos compertum maneat. Ii ma-

(1) Non pauci extiterunt qui de digestionis opere, benè multa, inauditaque ſyſtemata ſomniaverunt. Cibos in ventriculo atteri, contendit ERASISTRATUS, HIPPOCRATES per calorem concoqui. Cum ſuis aſſectis ASCLEPIADES, ab omni elaboratione alienus, materiam crudam ad vaſa deduci profeſſus eſt. Putreſcere alimenta excogitavit PRAXAGORAS. Nec minus diſſentient recentiores. Alii ut HELMONTIUS, ipſumque acerrimus deſenſor SILVIUS DELEBOE, fermentationem; alii ſolam ventriculi agitationem, eliquationem, ſolutionem, &c. &c. admiſcere.

teriæ (1) subtilissimæ encephalon officinam profitebantur, nos spirituum animalium Genesim. Propter autem longissimas, atque angustissimas cerebri ac nervorum vias, humorisque secreti inconspicuam tenuitatem, variæ excogitatae sunt hypothese. Eorumne consultò prætermittimus opinionem, qui nervos cordis musicis assimilantes, oscillationem, vibrationemque iis tribuerunt? Nonne obliquâ viâ progrediuntur nervi? Nonne molles, flaccidi? Nonne hinc & inde gangliones intersunt quibus à partibus ad cerebrum, & vice versâ, motus interciperetur? At ratiocinio philosophandum & experimentis, ut usus sequatur in praxi. Quis affirmare ausus, nullam fuisse naturæ finem, dum varios cerebri ambitus, & ex ordine distributas regiones creaverit, dumque millenas medullares fibras, vix microscopio visibiles, in unum collegerit? Nullum vas in corpore humano nunquam desinit, in solidum, cæcumque finem. Vasa in vasa terminantur. Perpetuus sit liquidorum humanorum circulus. Ingens sanguinis copia per quatuor insignes arterias, continuò ad cerebrum deferitur. Quæ autem optimi cruoris quantitas, pro cerebri nutritione nihiùm (a) exuperaret, ni fluidi cuiusdam productioni, secretionique, pro maximâ parte impenderetur. Apud omnes est in confesso, quod cuiuscumque partis sensus (b), motusque, pereat, statim atque, qui ad eam tendit nervus, refecatur, ligatur, obstruitur. Res aliis illustretur exemplis. Inviçtum adsit Bellini experimentum. In cane vivo, leviter pungatur nervus uterque diaphragmaticus, vellicetur, distrabatur: contractum subito videas diaphragma, complanatum, convulsisque. Suspendatur vellicatio, aboleaturque ad tempus; postea verò stimuletur nervus, tum de novò, liquidi cuiusdam affluxu exuscitatur & convellitur musculus. Quod si in nervum ligatura injiciatur, nulla perinde commotio, nulla contractio, nisi omninò tollatur vinculum. Hinc luce Clariùs Patet quod per nervi diaphragmatici cavitatem, liquidum quoddam decurrat. Refecetur unus è majoribus nervis, una, alterave humoris limphatici guttula nudis oculis stillare conspicitur. Hæc autem materies (2), num ætherea? electrica? phlogistica? magnetica? &c, &c? Illam in motum vorticosum & perennem ruere, in expanso atmosferico reperiri, fluctuare, circumferri passim demonstrant chemistæ. Nostros licet sensus subterfugiat, è meteoris tamen igneis, nuperrimisque examinibus electricis, clarè innotescit. Mineralibus substantiis artificiosissimè intertextitur; Per radices, per foliorum, ramorumque superficies, plantarum tubulos intrat. Per assumpta, poros (3)

(a) Haller. Prælect. Acad. tom. 2. p. 536.

(b) Frideric Offman. tom. 1. p. 86.

(1) Sic Galenus: « Anima in cerebro residens, nervis tanquam habenis, universum corpus regit, & moderatur; per nervos, sensum, motumque singulis partibus imperit, quibus carere non possunt, cum vita, in motu & sensu consistat ». lib. 3 ad Anat. c. 9.

(2) Sic præstantissimus è Græcis, Philosophus Aristoteles: « Calor universus in universo inest, ita ut quodammodo plena sint animæ omnia. Inest in femine omnium, quod facit ut secunda sint semina; quod calidum τὸ Σπέρμα vocatur ». lib. de Gener. anim. 3.

(3) Solebant Veteres, maximè Senes, in sole nudi ambulare, ex quo spirituale nutrimentum subtraherent, Plato in Phædon.

cutis, inspirationem, animantium corpora ingreditur. Solidorum & fluidorum ictus, renixusque experta diù, in cerebro tandem fecernitur, atque per nervos, singulis partibus prospicientes, totam irradiat œconomiam animale, permeat, regit, ordinat. Huic-œ influxui natales debet, illa jampridem occulta omnium ferè partium irritabilitas. Subtilissimus ille latex, motu abripitur rapidissimo. Hinc stupendâ celeritate instantur, & detumescunt muscoli. Hinc cibus in stomachum demissus fibras dilatat, extendit, irritat. Hinc elongatæ fibræ, propter exquisitissimum, quo donantur sensum, vi maximâ, in pristinum sese restituere statum nitentes, resiliunt. Illud etenim viscus hæderaceo quasi amplexu ambiunt numerosissimi nervorum rami. A pari vago, imò & ab intercostali procedunt. Atque varios efformantes plexus, ab officio superiori ad inferius totum ventriculi contextum peragrant, contentumque in canalibus liquorem, tempore opportuno, copiosiori flumine profundunt. Undè cum prosligatus omninò descenderit ille vitalis (a) succus, anxius malè concoquit ventriculus, condolet caput, rore nutritio orbanatur fibræ, morbosæque indoles fatiscientibus supervenit organis. At exanimis subitò refocillantur animi, moderato spirituum ardentium potu. Qui in corporis recessus delati, ità notabiliter ubique calorem fuscitant, ut actualis ferè ignis intrasse videatur. Undè hilaritas, nova virtus, imaginatio vividior &c., &c. Eandem etenim naturam sortiuntur, qui per nervos circueunt spiritus. Miseri mortales! Quo vivunt principio, eo destruuntur. Ab hæc vitali flammâ, prima rerum exordia; hæc denique, sensim sine sensu, omnia torret & urit: sic tandem exsiccantur corpora, & gelidâ morte divinus extinguitur ignis.

I V.

QUAMQUAM adducta, maximam partem, veritate nitantur, ventriculi; capitisque consensus, totius demùm corporis cum ventriculo sympathia (b), ad argumenti confirmationem benè multa fænerantur, non prætermittenda. Omnia ferè in œconomia animali (c) pathematibus aguntur. *Ufque adeo nervea (d), sentiens que compages totam regit machinam!* inquit funestos errores, ex ipsius cerebri, ventriculique vitio, quotidie variarum partium organa trahuntur? Nonne percusso vehementer capite, enormes cientur vomitus? Nonne rursus ventriculo nervosè affecto hemigranæ intolerabiles, totius capitis acerbissimi dolores, pertinacissimi? Ut magis, magisque veritas elucescat, quasdam in medium proferamus observationes.

Apuđ Baglivum (e) legere est, quod anxie mentis inquietudines, ventriculum mox rapiant in consensum. Cum ferox malorum imaginatio læditur, oris amarities, inappentia, ructus, flatus, languor universalis ingruit.

Nunquam manifestius, quam à veneno imprudenter assumpto, ventriculi cum omni nervorum sistematè conspiratio evincitur. Sic annotante Clariss. D. D. De HORNE (f), falsa ferè omnia metallica, horrorem ventriculo quemdam injiciunt. Hinc nausæ, præcordiorum tormina, vomitus, mors. Non stimulis dun-

(a) Neuterus, succum nerveum adjuvit nutritioni præfectum. Phys. med. c. 4.

(b) Vid. Thesis An ventriculus sympathia centrum? Auth. D. Desbois de Rochefort. an. 1772.

(c) Vid. Eliani Montalto Lutiæ Archæpathologiam c.

35. p. 137.
(d) M. Lorry, de Morb. melan. t. 1. p. 288.

(e) De Fibrâ motrice, pag. 365.

(f) In Oper. præstantissimo, cuiuscul: Exposition raisonnée des différentes Méthodes d'administrer le Mercure dans les maladies vénériennes, &c. Sc. p. 301. r. 302. xxi. 314, 376, 84 & seq.

taxat solida impetunt & irritant venena, verum etiam eorum ictu lethifero, liquores humani à primâ indole degeneres, adulterantur, depravantur. Quam rem patefecit D. D. GUILBERT Celeberr. Schol. Paris. Magister. narrat etenim (a) virum quemdam, cum duo arsenici albigrana, in trigentis circiter aquæ uncis deglutivisset, tunc horrendis correptum spasms, omnem fermè evomuisse assumpti potius quantitatem. Nihilominus tamen terribila recrudescent symptomata. Salutem desperant omnes. Fit tandem insignis per cutem excretio. Pusillus turgescit innumeris. Siccantur, & sanitati restitutus est æger. Quam evacuationem, veram venenorum crism obfervavere semper, melioris notæ practici. Nonne liquanina labefactantur? nonne lymphæ, fluidi nervi vehiculum? nonne universa vis vitæ perturbatur? obruitur?

(a) Wodelius, de Studiorum intemperie.

(c) Ficius, de Litteratorum sanitate tuenda, lib. 1. cap. 2.

(d) Tissot, de Manuſcription, p. 222.

(e) Genesis, cap. 38. v. 9.

V.

NULLAM adhucdum in nervis cavitatemprehenderunt oculi, vel optimis armati microscopiis. Quid in iis liquidum coerceri? Quid illud in ædiorum concoctione, per canales advehi gratuito contendis? Respondum subministrat analogia. Anne in insectis vel minimis, acorum puta, vasa, liquida, omnisque generis viscera adesse non credideris? Hæc omnia tamen, nonnisi mentis oculis percipi possunt. Aëris etiam, insensibilisque perspirationis existentiam, quis, salvâ veritate, negaverit? Nonne diversos spirituum animalium modos arguunt diversa animi pathemata, somnus, vigilia, delirium? Qui à diuturno labore, ab animi (f) contentionibus, ab immoderatâ venere, à gravi denique morbo, totius machinæ debilitatem, vel collapsum explicabis?

(f) Sanchez, vide Opus: Quod nihil scit, p. 171.

(1) Si quid spermatis, supra quam natura tollit, coitu profluit, obest magis, quam si quadragies, tantundem sanguinis emanarit; ut non injuri præci, Musas atque Minervam virgines esse voluerim. Avicenn. L. de Animal. &c.

Si solâ mechanicâ favente organôrum fabricâ, legitima fiat alimentorum digestio, tanquam inutilis prorsus, actio vitalis arcenda est. At nihil nos hæc altera movet objectio. Illam equidem partium structuram, apprimè convenientem, nec ullis impeditam obstaculis, ut genuinò digerantur cibi, necessariam non diffitemur. Si etenim obstruitur hepar, lien; si malè se habeant ventriculi membranae, corrugentur; si schirro laboret, unum alterumve hujusce visceris orificium; tunc vomitus perpetuus, tunc macies præ foribus astare, satis superque sciunt omnes. Ast quos exagitatæ mentis cruciatus, altæ speculationes, nimius feminis profluvius, longius protracti, atque validiores corporis labores, longa invaletudo, examinârunt, vel oppresserunt, in iis per anatomem, nec de curtatæ, vel elongatæ magis, aut erosæ apparent fibræ, & eâdem quâ prius integritate gaudet ventriculus; nec cætera quæ illum circumdant viscera, ullam fuisse jacturam passa videntur. Totum attamen languet digestionis opus, debilitatur officina chylopoietica. Quid difflatos spiritus animales clamirem? quid toties recoctam crambem moveam? in immensum cresceret pagina, si quæcumque pro nostra militant sententiâ, in apicum mittere, ferret animus. Hæc sufficiant, ut citiùs properemus ad concludendum:

Ergò perfectio digestionis à latice nerveo.

DOMINI DOCTORES DISPUTaturi.

M. Joann.-Claudius MUNIER,
Consiliarius Medicus Regis
ordinarius & Domus Regiæ
Invalidorum.

M. Joannes - Baptista
BAIGNERES.

M. Lodovicus - Guillelmus LE
MONNIER, Consiliarius Medi-
cus Regis ordinarius pri-
marius, Regiarum Parisien-
sis, Londinensis ac Beroli-
nensis Academiarum Socius
& in Horto Regio Botanices
Professor ac Demonstrator.

M. Deodatus JEANROY, è
Regiâ Societate Medicâ Pa-
risiensi pro Epidemii institutâ.

M. Alphonsus-Vincentius-Lu-
dovicus-Antonius LE ROI.

M. Exuperius-Josephus BER-
TIN, Supremi Valachia &
Moldavia principis Medicus,
antiquus Regis Exercituum &
Castrorum Medicus prima-
rius, necnon è Regiâ Scien-
tiarum Academiâ.

M. Claudius - Franciscus
DU CHANOT.

M. Joannes - Matthæus
DE FRASNE.

M. Laurentius FERRET, Ec-
clesiæ Cameracensis Canonici

Proponebat Parisiis AUGUSTINUS ROUSSEL DE VAUZESME, Allineus
apud Altißiodorenses, Saluberrimæ Facultatis Medicinæ Parisiensis Bacca-
laureus, nec non Theſeos Auditor. A. R. S. H. 1777. A SEXTA AB MERIDIEM.